

定。心一境性。云何爲慧。謂決擇法。云何爲尋。心麤爲性。云何爲伺。心細爲性。云何放逸。不修諸善。云何不放逸。謂修諸善。諸善根者。謂三善根。无貪善根。無瞋善根。無癡善根。不善根者。三不善根。貪不善根。瞋不善根。癡不善根。無記根者。四無記根。謂無記愛見慢。無明。云何無記愛。謂色無色五種所行。云何無記見欲。謂欲界中所行身見及以邊見。色無色中所行五見。云何無記慢。謂色無色五種所行。云何無記无明。謂欲界中所行身見及以邊見。相應無明。色無色中五種所行。言諸結者。謂九種結。貪結。恚結。慢結。无明結。見結。勝執結。疑結。疾結。慳結。云何貪結。謂三界貪。云何恚結。依諸有情忿恨爲性。云何慢結。謂七種慢名爲慢結。謂慢。過慢。慢過慢。我慢。增上慢。卑慢。邪慢。云何爲慢。於劣計勝。於等計等。彼以爲因。慢。持慢性。心之高舉。心之所慳。心之所執。此名爲慢。云何過慢。於等計己。勝或於勝計己等。彼以爲因。慢。恃慢。性。心之高舉。心之